

Na osnovu člana 36. Poslovnika o radu Državne regulatorne komisije za električnu energiju ("Službeni glasnik BiH", broj 2/05) i člana 7. Pravilnika o licencama ("Službeni glasnik BiH", broj 87/12) na sjednici Državne regulatorne komisije za električnu energiju održanoj 21. novembra 2012. godine, donijeta je

## **ODLUKA**

### **O FORMI I SADRŽAJU OBRAZACA ZA PODNOŠENJE ZAHTJEVA ZA IZDAVANJE LICENCI**

#### **Član 1.**

##### ***(Predmet odluke)***

Ovom odlukom propisuje se naziv, forma i sadržaj obrazaca zahtjeva za izdavanje licenci u postupku koji provodi Državna regulatorna komisija za električnu energiju (u daljem tekstu: DERK).

#### **Član 2.**

##### ***(Vrste obrazaca)***

- (1) Zahtjevi za izdavanje licenci u postupku koji provodi DERK, podnose se na obrascima u koje se unose podaci o ispunjavanju kriterija za izdavanje licence i primjeni svih standarda licence.
- (2) Obrasci na kojima se podnose zahtjevi za izdavanje licenci u postupku koji provodi DERK su:
  - a) Zahtjev za izdavanje licence za obavljanje djelatnosti prijenosa električne energije (obrazac LI-PEE);
  - b) Zahtjev za izdavanje licence za obavljanje djelatnosti nezavisnog operatora sistema (obrazac LI-NOS);
  - c) Zahtjev za izdavanje licence za obavljanje djelatnosti međunarodne trgovine električnom energijom (obrazac LI-MT);
  - d) Zahtjev za izdavanje licence za obavljanje djelatnosti međunarodne trgovine električnom energijom za vlastite potrebe (obrazac LI-MTVP);
  - e) Zahtjev za izdavanje licence za obavljanje djelatnosti trgovine i snabdijevanja električnom energijom na teritoriji BiH (obrazac LI-TISBiH);
  - f) Zahtjev za izdavanje licence za obavljanje djelatnosti snabdijevanja električnom energijom nekvalificiranih kupaca (obrazac LI-SNK);
  - g) Zahtjev za izdavanje licence za obavljanje djelatnosti distribucije električne energije (obrazac LI-D);
  - h) Zahtjev za izdavanje licence za obavljanje djelatnosti proizvodnje električne energije za objekte instalirane snage preko 1 MW (obrazac LI-P); i
  - i) Zahtjev za izdavanje dozvole za izgradnju objekta za proizvodnju električne energije (obrazac LI-IOP).

#### **Član 3.**

##### ***(Dostupnost obrazaca)***

Obrasci propisani ovom odlukom sastavni su dio ove odluke a mogu se dobiti u sjedištu DERK-a ili preuzeti u elektronskoj formi sa internet stranice DERK-a.

**Član 4.**

***(Prestanak važenja ranije odluke)***

Stupanjem na snagu ove odluke prestaje da važi Odluka o određivanju obrazaca za podnošenje zahtjeva za izdavanje licenci ("Službeni glasnik BiH", broj 38/05).

**Član 5.**

***(Stupanje na snagu)***

Ova odluka stupa na snagu osmog dana od dana objave u "Službenom glasniku BiH", a objavit će se i u službenim glasilima entiteta i Brčko Distrikta Bosne i Hercegovine.

Broj: 05-02-2-296-20/12

21. novembra 2012. godine

Tuzla

Predsjedavajući Komisije

Milorad Tuševljak